

ՈՒՆՏԱԳՆԱՅՈՒԹՅՈՒՆ ՏԵՂԵՐԻ ՎԱՆՔ

Ապրիլի 1-ին Սուրբ Գրիգոր Լուսավորչի՝ Մուտն ի Վիրապ տոնին, Ն.Ս.Օ.Տ.Տ Գալեզին Բ Ծայրագույն Պատրիարք և Ամենայն Հայոց Կաթողիկոսի օրհնությամբ, նախաձեռնությամբ Գևորգյան Հոգևոր Ճեմարանի ու աջակցությամբ Վազգենյան Հոգևոր Դպրանոցի, կազմակերպվել էր ուխտագնացություն Արագածոտնի թեմի Տեղերի վանք:

Ուխտագնացությանը ճեմարանականների հետ մեկտեղ մասնակցեցին մի շարք համալսարանների (Երևանի պետական համալսարան, Խ. Աբովյանի անվան մանկավարժական համալսարան, Երևանի պետական տնտեսագիտական համալսարան, Վ. Բրյուսովի անվան լեզվաբանության համալսարան) շուրջ 300 ուսանողներ: Ուխտավորներին միացան նաև Մայր Աթոռ Սուրբ Էջմիածնի միաբաններ:

Տեղերի վանքում ուսանողներին ողջունեց Գևորգյան Հոգևոր Ճեմարանի տեսուչ Տ. Եղիշե ավագ քահանա Սարգսյանը: Վանքի Ս. Աստվածածին եկեղեցում Տ. Զավեն քահանա Մարկոսյանի ձեռամբ մատուցվեց Սուրբ Պատարագ: Պատարագի ընթացքին քարոզ խոսեց Գևորգյան Հոգևոր Ճեմարանի փոխտեսուչ Տ. Վազգեն արքեպիսկոպոստը՝ մասնավորաբար հիշեցնելով, թե ինչպես Սուրբ Գրիգոր Լուսավորիչը երկար տարիներ մնաց Խոր Վիրապում և իր հոգում ու սրտում հավաքեց Աստծո Լույսը, ապա դուրս գալով տարածեց ողջ հայ ժողովրդին: Հայր Սուրբը հորդորեց, որ պեսգի այդ լույսը երիտասարդները ևս ընդունեն իրենց սրտերում և հոգիներում:

Ս. Պատարագի ավարտին ճեմարանականների և համալսարանականների համատեղ ուժերով կազմակերպվեց մշակութային միջոցառում: Լավագույն ասմունքողներին և երգողներին հանձնվեցին մրցանակներ:

Տեղերի վանքից ուխտավորներն ուղևորվեցին Ամբերդ: Հակառակ առատ ձյան՝ ուսանողները հասան Ամբերդի Սուրբ Աստվածածին եկեղեցի, ուր կատարվեց երեկոյան ժամերգություն:

ՄԱՅՐ ԱԹՐԱՌ ՍՈՒՐԲ ԷԶՄԻԱԾԻՆ
ՏԵՂԵԿԱՏՎԱԿԱՆ ՀԱՄԱԿԱՐԳ